

ادبیات عمومی و تجریدی

هفته‌ای سیاسی، علمی و ادبی غزته‌در

جلد : ۲

سنه : ۲ ۱۵ صفر ۱۳۳۶ جمعه ابراسی ۱ کانون اول ۱۹۱۷ نومبر ۱۳ — ۴۴

اجمال فکر

طریق مساعیده قادیان

بر زماندنبرو برخیلی محررلرمن فہمی نیزم مسئلہ سنہ دائر مقالات یازمقدہ درلر . ارباب قلمک بو مسئلہ بی ایضاحہ اولان ہمتلری البتہ بحادر . فہمی نیستاک عینی صورتدہ اولمایوب بوبک مفرط ومعتدل اولانلری دہ واردر . بوجہ دائر یازہ حق محررکدہ وظیفہ سی نہ قدرنازک ورققدرد . چونکہ بوجہ ایچون قلمی الینہ آلدینی کبی کندی صنفیتی غیرتی کودمیوب یالکز حقیقتہ انتسابی دوشونہ رک یازمق لازم کلور . ملتہر تنور ایلہ یوب دہ حقوق وحریت شخصیلرینی قازانمق ایچون چالیشہ ررق اسارت استبداد دن قورتلدقلرندہ بوفہمی نیزم مسئلہ سی دہ ظہور ایلر . فہمی نیزم ترقیات مدنیہ دن ومدنیتک ایجابات واحتیاجاتندن صدور ایدر . مبادیدہ حر وسرست اولان انسانلر مدنیتک ابتدالرنندہ نصل استبداد آلتہ کیروب دہ ترقیات مدنیہ ایلہ بویوکی اوزرلرندن آتمشلسہ مبادیدہ ارککار ایلہ عینی معیشتدہ بولونان قادینلردہ مدنیتک حال بدایتندہ غائب ایلدکلری حقوقلرینک استردادینی ترقیات مدنیہ زمانندہ دوشونمشلردرد . فہمی نیزمہ باعث اولان شیلردن بری دہ مجبوریت تعیش در . تجملات واحتیاجات ترقیات مدنیہ صورت معیشتی سہولتہ اداره اولنہ حق برحالدہ براقایوب زیادہ چالیشمغہ مجبوریت کوستردیکندن برعائللہ نک قادینلرینی برارککک اداره سی مشکالمشور . اوروپا قادینلری «بزده قادینلر ایچون حیات سرتدر!» دیرلردی . بزده دخی قادینلر ایچون حیات سرتلشیور، معیشت کوجلشیور ! مدنیت اولہ برسیل درکہ آ کا کوزل یوللر، جدوللر آچیلورسہ کیردیکی بری معمور وآبادان قیلار . اما آ کا قارشو سدلر، مانعہ لر یاپیلورسہ اویری خراب وپریشان ایدہ رک کیردر ! سوزی مشہوردر . اسلاملرک مدنیتدہ ترقیلری اوزوپالولردن اولدر . اوروپالولرک بر چوق آثار مدنیہ بی اسلاملردن اوکرہ نوب اوروپاہ کوتورمش اولدقلرینی واهل صلیبک حریت وحقوق ملیہ بی اسلاملردن

وه نیزه لوس و حکومتی

تمام اون طقوز سنه اول ، زواللی کرید آتش اختلال ایچنده یانارکن ، اهالی مسلمه انواع مظالم واعتسافاته معروض قالدیه ، سفیل و پریشان ، کویلرندن شهرلره التجا ایدرکن ، شمدیکی یونان حکومت عجیبه سنک سرکارنده بولان کریدلی [وه نیزه لوس] ، همشهریلرینک ظعن و تشنیعلرینه رغماً ، اهالی معصومه مسلمه حقنده مرتب اولان قتل عام سیاستنه بتون قوتیله ممانعت ایتیش ، کریدی یونانستانه دکل ، یونانستان کریده الحاق ایتک خولیاسنی قوران بوق فوق العاده ذکی طاغ دیپلوماتی ، مسلمانلرک سلاحله مدافع و محافظی کیلیمش ایدی . او زمان یجه کوته بینان - حتی محافل رسمیه عثمانیه نیک بر قسمی بیله - بورجل مرهوتکارک علو جناب و حسیات نجیبه سنه قانع اوله رق ، هر درلو امداد و معاونتدن محروم قالمش اولان عنصر اسلام حقنده کی معامله ضعیفا پروریننی تقدیر وستایشدن کرو قالمش ایدی . غریبدرکه سیاستنک ماهیت حقیقه سنی ، اساس لدنیاتی آکلامیان اوروپا و یونان مطبوعاتی بیله - وقتیه فرانسه نیک شمدیکی خارجیه نظری موسیو (پیشون) ه ، پاشا عنوانی و بره رک مؤاخذه و تشنیع طویلرینی جویردکری کبی - [نه ریسو] قهرمانی [وه نیزه لوس] علیهنده ده عینی شدت و قوت ایله اسان تلغیلرینی اوزاعشله و ، « باربارترک اداره ظالمانه سنک کریده . بر مشئوم نشانه سی اولان عنصر اسلامک احساسنه مخالفت ایتدیکندن طولایی حقیقی کریدلی اولیان [فی الحقیقه (وه نیزه لوس) ک باباسی [چهریغو - چوخه] آطه سی اهالیسندندر [بو توره دی بی ، ترک حمیدی ، یونان دشمنی ، تقبلریله یرک دینه کچیرمشلردی . بر اقشام ، قانه قانه اسلام قانی دوکه مدکارندن طولایی غلیانه کلش اولان کرید روم اختلاجیلرندن بعضلری ، بوکامانع اولان او خائن ملت [وه نیزه لوس] ک وجودینی ازاله مقصدیله ، اونک بولندینی محله کیدرلر . قورناز کریدلی ، قوه نظمیه و اقناعیه سنه کوه نه رک او جم غفیره خطاباً : « وطنداشله ! بیایورم که فکرکزجه ، غایه ملیه مرک دلخواه اوزره حصول بولسی ایچون مطلقاً وجودمک اورتهدن قالمسی لازمدر . حالبوکه یا کلیورسکیز . بن ، بتون اسلامیت و عثمانیلینی ، بر قدح ایچنده بولسم ، هیچ تردد ایتهدن ایچر و او دقیقه ده ترک حیاتی کندم ایچون بر شرف عد ایدرم . معرفت ، بوراده برقاچ اهل اسلامی اولدورمک دکل ، اسلامیتی ، عثمانیلینی محالیده جک موفقیتاره نایلدر . « جمله لریله هپسینی ابکم براقش و پرنس (ژورژ) ی کریددن طرد ایتک سیاستنک عملی و وسیله ایله احکام ایتیش ایدی . قوجه سرکرده ، محیطنی پک اینی آکلامش ، اوننی آمال و مقاصدینه حقیقه کور بر آلت کبی قولالانق یوانی اوکره نیش ایدی ، نه اوروبانک جزیره ده کی وضعیت متحکمه سی ، نه ده یونانلیلغه وبالخاصه پرنس (ژورژ) ک شخصنه قارشو اولان فرط محبت ، کرید اهالی خریستانیه سنی (وه نیزه لوس) ک ترتیباتنه مطیع اولقدن منع ایده . مه مشدی . باشده قرال زاده اولدینی حایه ، (وه نیزه لوس) ، بتون مخالف و معارضلرینه غلبه چالیور ، کریده نفوذ حاکمیتی جبراً قبول ایتدیریور ، یونانلیلری بربرینه قاتهرق کندیسنه بر موقع مستثنی حاضرلیوردی . آینه دوران (وه نیزه لوس) ه استقبال ایچون ، بسم بر چهره کوسترمه دن اول او ، محیط وزمانه حکم ایتک قوتی ینه محیطندن و بالخصوص اوروپا سیاستنک او اعوجاجلی بوللرندن آلیوردی . ایتالیا ، سیاستی خیانت واهاته مستند اولان بو دولت ، کریدلی یه بر متکائی متین ، بازار مکر و دسیسه ده نام براقان انکلتزه ایسه ، [سوده] نک و بحر سفیدک

عشقنه ، (وه نيزه لوس) ایچون بر حامی منفعت پرست ایدی . او بیلوردی که بو ایکی حریص دستگیر الده اولدقه کندی ساحه احتراصاته ایستهدیکی قدر فسخت و وسعت ویرمک ممکندر . اوروپانک پک سقیم بر حرکت غافلانه سی نتیجه سی اوله رق کریدده حامی صفتی احراز ایدن بو ایکی دولتک اعماق روحنه نافذ اولان کریدلی ایچون آرتق میدانده هیچ بر مانعه قالمیش ایدی . کریددن آشمق ، یونانستانه کیتمک ، اورانک حاکمی اولق ، شخصنه و خاندانه اولان بغض وعداوتی کریدده ایراد ایتدیکي رسمی نطقلرنده بیله کتم ایتمکدن چکنمیدیکی قرال (ژورژ) ی سریر سلطنتدن آتمق ، بلکهده ایلروده یونانستان رئیس جمهوری اولق ، شاعرلرک ترنم ایتدکاری بیوک بر یونانستان وجوده کتیرمک ، (وه نيزه لوس) ک عمده سی ، عقیده وجدانی اولمش ایدی . بو فکر ثابت روحنی تحریک ایتدکجه ، حجیرات ذکاسندن بجه جواهر اورته یه چقیور ، شرق و غرب سیاستنه تأثیر ایدن پک چوق عوامل و سواثق ، پولتیقه آفاقنی بولاندرمقدن کیر و طور میوردی . حقیده یوق دکل ایدی . چونکه دولت عثمانیه نک بقاسنی ، مسالت عالم ایچون بر لازمه صورتنده تلقی ایتمش اولان اسکی انکلتزه ، آرتق تمامیه ترک مسلك ایتمش ، روسیه ایله امور شرقیه بختنده ائتلاف حاصل ایتدکدن صوکره ترکیایه و باخصوص کنج ترکیایه دشمن کسلمش ایدی . تونس و جزائر کی یاغلی پارچه لری فرانسه یه قاپدیرمش اولدیغندن طولانی احتراصاتی آرتان ایتالیا ایسه ، ۱۸۹۰ تاریخندن بری افریقای شمالینک تابعیت عثمانیه ده بولنان قسمنه کوز دیکمش ، بیک درلو مادی و معنوی عوامل ایله طرابلس غربه حلول سیاستنی تعقیبه قویولمش ، مرحوم رجب پاشابک همت حمیت پرورانه سی سایه سنده او حوالیده حاصل اولان تیفظ اوزرینه تأخیرینه مجبور اولدینی سیاست استیلاجویانه سنه تکرار کمال فعالیتله باشلامشدی . ایتالیا نک طرابلس غربه واقع اولان تعرضی ، یونان مقدرات سیاسیه سی ایچون بر عامل اولمغه باشلایان (وه نيزه لوس) ه یکی بر ساحه فعالیت آجدی : ترکیایی ازمک ، [مه غالی ایده ئا] به امکان حصول حاضر لامق ! فقط یونانستان بویله بر کار عظیمی کندی باشنه حیز حصوله کتیرمکدن عاجز ایدی . [وه نيزه لوس] ، یونا نستانک ۱۸۲۷ حامیلرخی اوقشایه رق . قوتک آنجق اتحادده اولدیغنی سیاسی و عرقی دوست و دشمنلره ایضاح ایده رک « مشترک دشمن » ک ، ترکیانک اوزرینه آتیلحق ، اوروپای عثمانی حوالیسینی پایلاشمق زماننک حلول ایتدیکي قناعتی بتون قومشو حکومتلر محافل سیاسیه سنه تلقینه موفق اولدی . بو مظهریت ، کریدلی یه ، ملکشنده و حتی اوروپاده بیوک بر نفوذ ویرییوردی . او ، محیط واحوالدن پک ایی استفاده ایتکی بیلدیکي جهته « بالقان اتفاق » نک وجود بولسنه اک مهم عامل ایکن بو « اخوت مقدسه » وثیقه سنه اک صوک وضع امضا ایتمشدی . چونکه ایتدای امرده ، یونانستانک مفتونلریله ، یکی « قرداشلر » ایله اوفق و بیوک حسابلری صاغلامه باغلامق لازم ایدی . بالقان حربنک نتایجنی بورادم ذکر ایتیه لم . چونکه تاریخ سیاسی ، حرب عمومینک پیشواسی اولق اعتباریله بو مشوم صفحه یی انسال آتیه یه واضح بر صورتده کوستره جک ، و ۱۹۱۲ ده ، شمیدیکي زمره ائتلاک ، ترکیا حقنده [وه نيزه لوس] قدر و بلکه دهها مدهش وجانیانه فکرلر ، تصورلر بسله مکده اولدیغنی اثبات ایده جگدر . بالقان حربنک بدایتنده - ترکیانک هر حالده مظفر اوله جفی اعتقادی غالب اولدینی ایچون - [ستانوقو] نک خللدار اولیه جغه قرار ویرن بو کونکی دشمنلرمن ، طالع حربک اغیاره مساعد اولدیغنی کورونجه ، حقوق دولک صنعی اختراعاتندن اولان

[حق فتح] دستورینی ایلری به سوردیلر . لوندره قونفرانسی و اوراده اظهار اولنان حسیات ایلله جریان ایدن مذاکراتی تبیع ایده جک اولان تاریخ استقبال ، [ترکیا] نك سیاسیات عالم ایچون مضر و حتی بشریته مصیبت آور بر دولابه دوشورولدیکنه حکم ویره جک و بو طوزاغی قورمش اولانلره لعنت خوان اوله جقدر . مابعدی وار

دعوی وکیلی معلم کریدی

احمد سانی

نمسه و مجار

[کچن نسخه دن مابعد]

اليوم مجارستان ايله برلکده دول معظمه سته دن بریني تشکیل ایدن آوستریا حکومتی غربدن شرقه طولانی برسير تاریخی آلمش بردولتدر . تقویملرده مندرج القاب رسمیه سنه باقیله جق اولورسه نمسه جاساری ، حالا ، آوستریا ایمپراطوری ، [آپوستولیک] مجار قرالی ، [بوهه میا] ، [دالماسیا] ، [خرواتی] ، [اسقلاوونیا] ، [گالیچیا] ، [لودومه ریا] ، [ایللریا] واما کن مقدسه وسائر ممالک ک قرالی ، آوستریا آرشیدوقی ، ایتالیاده [توسقانا] نك ، لهستانده [قراقا] ک بیوک دوقه سی ، [لوره ن] ، [سالچبورغ] ، [شتیریا] ، [قارینتیا] ، [قارنیولا] و [بوقوونیا] نك دوقه سی ، اردلک بیوک پرنسی ، [موراویا] نك مارغراوی ، یوقاری [سیله زیا] نك ، آشای [سیله زیا] نك ، ایتالیاده [موده نا] نك ، [پارما] ، [پله زانس] و [غواسته لالا] نك ، [آوشویچ] و [زاپتور] ک ، [ته چن] ، [فریشول] (ایتالیاده) ، [راغوزا] ، [زارا] نك دوقه سی ، [تارانینو] نك ، [بریقه سن] ک پرنسی ، یوقاری و آشای [لوزاس] ک ، [شتیریا] نك مارغراوی ، [هه هه نه میس] ک ، [فله لکیرخ] ک ، [براغانس] ک ، [سونه بنه رع] ودها سائر نیجه نیجه ممالک قوتی ، ترسته نك [قاتارو] و [وند] مارکیاسنک سینیووی ، صربستانک وسائر یرلرک بیوک وویوده سیدر . ضایع اولمش برطاقم الکا و قصبه لره تملق ایدن بو عنوانلر بو حکومتک سرگذشت مقدراتی حا کیدر . آوستریا و مجارستان ایلله عثمانلی تاریخلری ۷۶۵ سنه هجریه سندن بوکونه قدر برابرکی کیدیور . فی الواقع (صرب صندیفی) محاربه سنه مقدمه اولان اتفاق نصاریه مجارلر داخل اولمشلردی . بک قاریشیق صفحه لر اراهه ایدن بومتوالی محاربات و مصالحات قولایلقله بر مقاله اجمالیه ده بیان اولونه ماز . شوقدر وارکه بومناسباتک برجدول تقویمینک اراهه سی فائده دن خالی اولیه جخندن وقایعی تعداد ایدیورز :

ییلدیرم عهدنده ، ۷۹۸ ده (نیکبولی) محاربه سنه مجارلر اشتراک ایتمشلردی . محمد اول دورنده ۸۱۹ ده مجارستانه سفر اولدی . قرال (سیکیزموند) مصالحه یه مجبور اولشدر . مراد ثانی زماننده ینه مجار دیارینه کچیلرک (طمشوار) ، (هرمان شتاد) و جوارری یغما ایلدی . صرب پرنسی (ویلیق اوغلی) ویا (برانقوویچ) مجار قرالنه التجا ایتدیکندن تکرار اودیاره عسکر کوندرلدی ، برچوق یرلر اوسفر هایون اشناسنده تاراج ایلشدر . (هونیادی یانوش) ک ظهوری اوهنکامه مصادفدر . بوجنرال بتون خرستیانلردن مرکب توغما براهل صلیب تشکیلنه موفق اوله رق (ویلیق اوغلی) نی و مجار قرالی (ولادیسیلاس) ی برابرینه آله رق ترکله هجوم ایتمشدر . بو محاربه علیمزه